

# Taith 3e

## Môr a Mêl

**Dechrau a Diwedd:** ..... Canolfan Croeso Cei Newydd

**Parcio:** ..... Unrhyw un o brif feysydd parcio Cei Newydd

**Amcangyfrif o'r pellter:** ..... **30 milltir**

**Amser a ganiateir:** ..... **4 - 6 awr**

I gwblhau'r llwybr cyfan heb stopio, yn dibynnu ar lefelau ffitrwydd. Mae rhai bryniau serth iawn ar y llwybr.

**Trafnidiaeth gyhoeddus agosaf:** *Gwasanaeth bysys:* Cei Newydd.

*Rheilffordd:* Aberystwyth

**Cydrannau ac Offer Beiciau agosaf:** Cyclemart, Cilcennin 01570 470079.

*Gwasanaethau eraill yn Aberystwyth ac Aberteifi*



Cwmtymdu

Gan ddechrau o Ganolfan Croeso'r Cei Newydd, mae'r llwybr heriol ond gwerth chweil hwn yn cynnwys rhai o'r golygfeydd mwyaf godidog ar y rhan hon o arfordir Ceredigion. Ar ôl dringo i ddechrau allan o'r dref, dechreuwch ar antur a fydd yn cynnwys pentrefi arfordirol

Cwmtymdu a Llangrannog a phentrefannau Llwyndafydd a Phontgarreg.


Gorffwyswch am ennyd yn nhawelwch cildraeth Cwmtymdu a'i hen hanes am forladron ac efallai y cewch eich gwobrwyo gan olygfa o lamhidyddion a morloi yn yr harbwr neu ddolffiniaid trwynbwl lleol Bae Ceredigion ond cofiwch nad ydynt yn berfformwyr i orchymyn! Dysgwch fwy am fywyd gwylt y Bae ar ôl dychwelyd i'r Cei Newydd drwy ymweld â Chanolfan Bywyd Gwylt Morol Bae Ceredigion.

Ewch yn eich blaen i bentref glan môr Llangrannog gyda'i ddau draeth tywodlyd a theithiau cerdded trawiadol ar hyd y clogwyni, lle mae sawl cenhedlaeth o blant Cymru wedi mwynhau gwyliau yng ngwersyll yr Urdd a lle y gall y cyhoedd roi cynnig ar y ganolfan sgïo drwy drefniadau blaenorol.

Ar y ffordd, ymwelwch â Fferm Mêl Cei Newydd - y fwyaf yng Nghymru - i gael cipolwg diddorol ar fyd unigryw'r wenynen.

Cewch y dewis hefyd o ychwanegu at y daith, i archwilio'r llwybrau cerdded trwy goedwig Penbryn at y traeth (Ymddiriedolaeth Genedlaethol), ac i draeth Baner Las Tresaith

Cofiwch ganiatáu diwrnod cyfan i gymryd eich amser i fwynhau'r daith.



Fferm Mêl y Cei Newydd

## Môr a Mêl

**Canolfan Croeso Aberaeron**  
(ar agor drwy'r flwyddyn),  
Pencei, Aberaeron  
Ffôn: 01545 570602

**Canolfan Croeso Cei Newydd**  
(tymhorol Pasg i ddiwedd Medi),  
Heol yr Eglwys, Cei Newydd.  
Ffôn: 01545 560865